

U G O V O R
ZA NABAVKU KOMPJUTERSKE OPREME IZ ZA POTREBE USTAVNOG SUDA
BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine, (u daljem tekstu: **Naručilac**),

i

„**KAMER COMMERCE**“ **d.o.o.**, Blažujski drum br. 14, Sarajevo, koga zastupa Sead Fejzagić, direktor (u daljem tekstu: **Isporučilac**).

Član 1.

Predmet ugovora je nabavka i sukcesivna isporuka kompjuterske opreme za potrebe Naručioca, prema definisanim uslovima iz tenderske dokumentacije broj P3-1127/17 od 19. decembra 2017. godine i prema sadržaju ponude broj 476/17 od 20. decembra 2017. godine, sa kojom je Isporučilac učestvovao u provedenom postupku konkurentskog zahtjeva za dostavljanje ponuda.

Član 2.

Cijena za nabavku iz člana 1. ovog ugovora, definisana je ponudom Isporučioca i iznosi 2.487,00 KM bez PDV-a, odnosno 2.909,79 KM sa PDV-om.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

Član 3.

Isporučilac se obavezuje da će izvršiti isporuku robe u skladu sa članom 1. ovog ugovora u prostorije Naručioca, najkasnije do 31. januara 2018. godine.

Isporučilac se obavezuje dostaviti robu Naručiocu, u traženim količinama i u dogovoreno vrijeme, kvalitete koja odgovara kvaliteti iz ponude Isporučioca.

Isporučilac se obavezuje da će isporučiti robu koja je nova i nekorisćena.

Sve troškove u vezi sa dostavom po ovom ugovoru snosi Isporučilac.

Član 4.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

Član 6.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 7.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 8.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA ISPORUČIOCA



Sead Fejzagić
Direktor

Sarajevo, 27.12.2017.
Broj: 518/17

ZA NARUČIOCA



Mirsad Ćeman
Predsjednik Ustavnog suda BiH

Sarajevo, 27.12.2017.
Broj: P3-1127/17